

# Powšitkowne WOZJEWJENJA

njedźelu, 12. decembra 2021

## Wusyłanje Božich mšow

Serbskorěčne Bože mše móža wěriwi tutu njedźelu, 12. decembra, znowa jako livestream w interneće scěhować. Jedna přenjese so we 8.30 hodž. z Kulowskeje, w samsnym času z Ralbičanskeje jako awdijo kaž tež w 9 hodž. z Chróšćanskeje cyrkwe. Linki na nje su w interneće pod [www.posol.de](http://www.posol.de) a na wosadnych stronach podate.

## Boža mša w radiju

Sćelak Deutschlandfunk přenjese tutu njedźelu, 12. decembra, Božu mšu z klóštra Marijineje hwězdy. Kemše započnu so w 10.05 hodž., Božej mši w 9.00 kaž tež w 10.30 hodž. njebudžetaj. Serbske spěwy budu tohorunja zapřijate.

## Modlenje w Róžeńće

Na modlenje swjateho róžowca su wěriwi njedźelu, 19. decembra, w 17 hodž. do Róžeńčanskeje hnadowneje cyrkwe přeprošeni. Pačerje bu du so serbsce a němsce spěwać.

## Přiležnosć k swjatej spowědži w Róžeńće

<b>wutoru, 14. decembra</b>	farar M. Anders, farar T. Dawidowski, 18.30 – 19.30 hodž. farar dr. B. Dittrich
<b>sobotu, 18. decembra</b>	farar M. Anders, farar T. Dawidowski, 17.00 – 18.00 hodž. farar dr. M. Kleiner
<b>wutoru, 21. decembra</b>	farar M. Anders, farar dr. B. Dittrich, 18.30 – 19.30 hodž. kapłan Jens Buliš

Kóždu sobotu je do Božeje mše za lud a kraj, kotraž so we 8 hodž. zahaji, přiležnosć k swjatej spowědži.

## Kubłanske dny za młodych dorosćenych

Dekanatne dušepastyrstwo přeprošuje serbskich młodych dorosćenych mjez 18 a 30 lětami na zhromadne kubłanske dny do Winfriedoweho domu w Schmiedebergu. Tute wotměja so wot pjatka do njedźele, 7. do 9. januara. Přizjewjenja přijimaja jeničce online hač do wutory, 21. decembra. Link je pod [www.posol.de](http://www.posol.de) wozjewjeny.

## Kreatiwna džěłarnička za šulerjow 6. do 8. lětnika

Dekanatne dušepastyrstwo džěci přeprošuje šulerjow 6. do 8. lětnika sobotu, 18. decembra, na kreatiwnu džěłarničku do Don Boskoweho domu we Worklecach. Aktualneje koronoweje situacije dla móža zajimcy wolić, hač wobdžěla so dopołdnja wot 9 do 12 hodž. abo popołdnju wot 13 do 16 hodž. Za zarjadowanje plaći regula 3G. Přizjewjenja su online hač do wutory, 14. decembra, móžne. Link je pod [www.posol.de](http://www.posol.de) podaty. Městna su wobmjezowane.

## **Jězba w lěcu za šulerjow 5. do 8. lětnika**

Dekanatne dušepastyrstwo džěći přeprašuje šulerjow 5. do 8. lětnika klětu w lětnich prózdninach na jězbu do Lückendorfa w Žitawskich horach. Wona wotměje so wot póndžele do pjatka, 15. do 19. awgusta 2022. Swójski přinošk na wobdžělnika wučinja 100 eurow. Přizjewjenja přijimuju hač do njedžele, 30. apryla 2022, ale jeničce online. Link na wotpowědnu stronu je pod [www.posol.de](http://www.posol.de) wozjewjeny.

## **Putnikowanje tydžeń pozdžišo**

Jedyn z klětušich terminow putnikowanja do Medźugorja je so změnił. Město planowaneho termina wot soboty do soboty, 15. do 22. oktobra, budže jězba tydžeń pozdžišo, potajkim wot 22. do 29. oktobra.